

POKER 101 CLASSES

Haya Bachelors y despues move pa bo Masters!

DIAMARS y DIAHUEBS pa 6.p.m. pa tur hende den e **Poker Room** den

Les di poker **GRATIS** di 6:00 p.m. pa 7:00 p.m. Siña e reglanan y con ta hunga "TEXAS HOLD'EM" manera bo ta wak e na ESPN/ESPN2.

Haya tambe e indicacionnan secreto di 2 professional cu ta biba di e wegá aki.

THE CASINO Radisson ARUBA

Trece e anuncio y haya \$50 na chips di poker pa \$30- Cash y hunga "live" 4-8 "TEXAS HOLD'EM" 7:00 p.m.

Loke a pasa cu Natalee mester ta un advertencia pa un y tur

ORANJESTAD (AAN) Esnan cu ta acompaña turistanan cu a bin Aruba pa haci bagamunderia ta conciente den ki problemanan grandi nan por hinca nan mes?

Esaki ta pregunta cu cada ken, cu tin e mal custumber pa bay fiesta na grandi cu turistanan cu ta bin Aruba pa haci y deshaci cu fiestamento den combinacion cu abuso di alcohol y droga, tin cu haci nan mes.

Den centro di Playa y tambe na cierto lugarnan na beach ta bon conoci cu tin turistanan individual of den grupo cu ta bati nan curpa mal bati cu al-

cohol y droga y ora nan yega nan punto maximo di nan saús di droga of alcohol, hopi biaha nan kier bay mas aleu di loke nan lo haci den nan bida diario na nan pais.

Esaki no ta un fenomeno nobo pa Aruba y tampoco pa otro destinacionnan turistico den Caribe pasobra na por ehempel Cancun, Mexico y tambe na otro destinacionnan den Caribe y te hasta na Merca mes, tin gruponan grandi di muchanan hoben ta bay pa fiesta y laga tur brake di normanan di balor y respet los laga bay.

Te hasta riba canalnan di television Mericano cu ta riba

cabel tur hende por wak con propaganda ta wordo haci pa videonan manera 'Girls Gone Wild' den tur sorto di bagamunderia.

Abuso di alcohol publicamente den discotecanan y lugarnan nocturno unda mucha muhernan hoben ta kita nan paña den publico y unda nan ta drumi riba bar pa laga un waiter basha alcohol riba nan lombrishi pa hombernan y te hasta muhernan bebe for di barica di hende y despues ta haci tur sorto di actonan inmoral publicamente, a bira manera un moda / trend pa cierto grupo di hobennan

turista cu ta viaha pa varios destinacion den Caribe.

Tipo di fenomenonan aki ta wordo te hasta promovi den cierto programanan di television na Merca manera Live on E unda ta pasa imagennan di grupo di hobennan cu ta haci y deshaci cu alcohol y otro actonan cuestionable durante cu nan ta cu vakantie den exterior.

Imagennan unda homber cu homber ta sunchi otro y muher cu muher ta sunchi otro den boca y varios di nan bao di influencia di alcohol of droga no ta nada nobo mas den tipodi programanan asina.

Awor na Aruba diripiente mundo a bin abao pasobra un mucha muher di Merca ta perdi despues cu e y su grupo di Merca a bay fiesta na grandi na un lugar nocturno.

Si Natalee a bolbe su hotel despues di a bay trip pisa, ningun musca lo a bula pasobra tipo di casonan asina ta pan di cada siman na casi tur destinacion turistico den Caribe.

Pero den e caso actual na Aruba e asunto a bolter den un direccion mahos pasobra ta trata di yiu di un hende poderoso na Merca.

For di Merca mes ta bin hopi critica riba e forma con prensa mericano ta tratando e caso di Natalee na Aruba pasobra na Merca tin miles y miles di mucha perdi pa cual prensa Mericano no a yega di duna tanto atencion manera cu awor si nan ta dunando na e caso di Natalee.

Riba dje nan ta lastrando pais Aruba como un centro di bagamunderia.

Esnan na Aruba cu ta conoci como Beach Bum of Babadonan (esnan cu tin custumber di bebe gratis riba cuenta di otro hende) cu ta bay na lugarnan nocturno pa saca probecho di grupo di turistanan cu a bin pa haci y deshaci, awor a haya e señal bon cla den ki problemanan serio nan por haya nan mes y tambe den ki problemanan grandi nan por hinca pais Aruba.